

BASES DA CONVOCATORIA PARA A CONTRATACIÓN CON CARÁCTER TEMPORAL DE PERSOAL LABORAL PARA A COBERTURA DE DOUS POSTOS DE OFICIAL DE SEGUNDA (GRUPO IV, CATEGORÍA 18) NA DIRECCIÓN XERAL DE DESENVOLVEMENTO PESQUEIRO, DEPENDENTE DA CONSELLERÍA DO MAR

PRIMEIRA. Normas Xerais.

1.1.- Convócase proceso selectivo para a contratación de persoal laboral temporal, ao abeiro do establecido na Sección 4ª do Capítulo I do Título III da Lei 2/2015, do 29 de abril, do emprego público de Galicia, do artigo 13.Tres da Lei 3/2021, do 28 de xaneiro, de orzamentos xerais da Comunidade Autónoma de Galicia para o ano 2021 e do artigo 7.5 b) do V Convenio Colectivo Único para o persoal laboral da Xunta de Galicia.

O obxecto da presente convocatoria é a cobertura do posto que se relaciona no cadro seguinte, no que se especifican as súas características de acordo coa vixente relación de postos de traballo da Consellería do Mar.

Denominación	Código Posto	Destino	Motivo cobertura	Requisitos indispensables	Grupo e categoría segundo Convenio	Observacións
OFICIAL DE SEGUNDA	PEC040000315770080	Dirección Xeral de Desenvolvemento Pesqueiro Santiago de Compostela	Posto vacante	- Titulación profesional de mariñeiro pescador ou certificado de competencia de mariñeiro ou equivalente. - Certificado de especialidade mariña mercante: Formación Básica en vigor. - Permiso de conducción B en vigor.	Grupo IV Categoría 018 (Oficial de segunda)	Horario especial
OFICIAL DE SEGUNDA	PEC040000315770089	Dirección Xeral de Desenvolvemento Pesqueiro Santiago de Compostela	Posto vacante	- Titulación profesional de mariñeiro pescador ou certificado de competencia de mariñeiro ou equivalente. - Certificado de especialidade mariña mercante: Formación Básica en vigor. - Permiso de conducción B en vigor.	Grupo IV Categoría 018 (Oficial de segunda)	Horario especial
Total efectivos		2				

Funcións: contactar coa frota de pesca de baixura para embarques, traslado de material ata o porto, mostraxes, rexistrar posicións xeográficas, rexistrar dimensións e características das artes de pesca, identificar e rexistrar capturas, transmitir estadillos e datos.

SECRETARÍA XERAL TÉCNICA
Edificio Administrativo San Caetano, 5
15781 Santiago de Compostela
T. 981 544 038 – 881 995 339
sxt.mar@xunta.gal



As persoas seleccionadas desenvolverán o seu traballo a xornada completa, desde a sinatura do contrato ata que o posto se cubra polos procedementos regulamentarios, ou se reconvirta ou amortice.

As retribucións serán as establecidas nos artigos 25 e 26 do mencionado V Convenio Colectivo Único para o persoal laboral da Xunta de Galicia, e de acordo coa vixente Lei de orzamentos xerais da Comunidade Autónoma de Galicia.

1.2.- O sistema de selección será o de concurso de méritos, para o que se aplicará, de conformidade co previsto no artigo 7.5.b) do V Convenio colectivo único para o persoal laboral da Xunta de Galicia, o baremo que nel figura como anexo III, e que, así mesmo se acompaña, actualizado á normativa vixente, como **Anexo I** da presente convocatoria.

1.3.- A Consellería do Mar celebrará coas persoas seleccionadas un **contrato de traballo de interinidade** seguindo as prescricións do artigo 15 do Estatuto dos Traballadores, aprobado por R.D Lexislativo 2/2015, do 23 de outubro (BOE do 24 de outubro), do Real Decreto 2720/1998, do 18 de decembro (BOE do 8 de xaneiro) e demais lexislación vixente que resulte de aplicación.

1.4.- O persoal contratado estará sometido ao réxime xeral de incompatibilidades establecido na Lei 53/1984, do 26 de decembro, e disposicións complementarias.

SEGUNDA. Requisitos dos aspirantes.

As persoas candidatas deberán reunir, tanto no día que finaliza o prazo de presentación das solicitudes como no momento da súa contratación como persoal laboral temporal, os seguintes requisitos:

2.1. Requisitos xerais.

- a) Nacionalidade: ter a nacionalidade española, ou ser nacional dalgún dos Estados membros da Unión Europea ou nacional dalgún Estado no que, en virtude dos tratados internacionais celebrados pola Unión Europea e ratificados por España, sexa de aplicación a libre circulación de traballadores. Tamén poderán participar, calquera que sexa a súa nacionalidade, os cónxuxes dos españois e dos nacionais doutros estados membros da Unión Europea, sempre que non estean separados de dereito; así mesmo, coas mesmas condicións, poderán participar os seus descendentes e os do seu cónxuxe sempre que non estean separados de dereito, sexan menores de vinte e un

SECRETARÍA XERAL TÉCNICA
Edificio Administrativo San Caetano, 5
15781 Santiago de Compostela
T. 981 544 038 – 881 995 339
sxt.mar@xunta.gal



- anos ou maiores da dita idade dependentes. Poderán participar tamén, os estranxeiros non incluídos nos puntos anteriores e que teñan a residencia legal en España.
- b) Idade: ter cumpridos dezaoito (18) anos.
 - c) Capacidade funcional: a estes efectos enténdese por tal, non padecer enfermidade nin estar afectado/a por limitación física ou psíquica incompatible co desempeño das correspondentes funcións.
 - d) Habilitación: non ter sido separado/a do servizo nin despedido/a, mediante expediente disciplinario, de ningunha Administración pública ou dos órganos constitucionais ou estatutarios das comunidades autónomas nin atoparse na situación de inhabilitación absoluta ou especial para o desempeño de empregos ou cargos públicos por resolución xudicial. No caso de ser nacional doutro Estado, non atoparse inhabilitado ou en situación equivalente que impida, no seu Estado e nos mesmos termos, o acceso ao emprego público.

2.2. Requisitos específicos.

- a) Posuír a titulación necesaria e os requisitos indispensables sinalados no cadro da base 1.1. para o posto ofertado. No caso de titulacións obtidas no estranxeiro deberá presentar un documento que acredite fidedignamente a súa homologación.
- b) Coñecemento do idioma galego que se acreditará mediante o título Celga 3 ou equivalente debidamente homologado polo órgano competente en materia de política lingüística da Xunta de Galicia.

TERCEIRA. Solicitudes, prazo e documentación a presentar.

3.1. De conformidade co establecido no artigo 7.5.b) do V Convenio colectivo único para o persoal laboral da Xunta de Galicia, ademais das persoas candidatas seleccionadas polo Servizo Público de Emprego, ao que se cursará oferta xenérica do posto obxecto desta convocatoria, todas aquelas persoas que desexen participar neste proceso deberán cumprimentar e presentar debidamente cuberto o modelo de solicitude que figura como **Anexo II** a estas bases, no **prazo de dez (10) días hábiles** a partir do día seguinte ao da súa publicación na páxina web da Consellería do Mar.

As solicitudes, dirixidas á Secretaría Xeral Técnica da Consellería do Mar, presentaranse no Rexistro Xeral da Xunta de Galicia (Edificio Administrativo San Caetano, Santiago de

SECRETARÍA XERAL TÉCNICA
Edificio Administrativo San Caetano, 5
15781 Santiago de Compostela
T. 981 544 038 – 881 995 339
sxt.mar@xunta.gal



Compostela), nas súas xefaturas territoriais ou nas oficinas previstas no artigo 16 da Lei 39/2015, do 1 de outubro, do Procedemento Administrativo Común das Administracións Públicas.

Para a presentación electrónica das solicitudes poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e clave Chave 365 (<https://sede.xunta.gal/chave365>), a través da solicitude xenérica (código de procedemento PR004A).

O enderezo que figure nas instancias considerárase como único válido para os efectos de notificacións, sendo responsabilidade exclusiva da persoa aspirante, tanto os erros de consignación nel como a non comunicación de cambios de domicilio.

3.2. Documentación que deberán presentar as persoas candidatas xunto coa solicitude (anexo II):

- a) Copia do DNI
- b) Copia das titulacións e acreditacións requiridas na base 2.2

Todos os méritos que as persoas aspirantes presenten para a súa valoración, enténdense referidos ao día de finalización do prazo de presentación de solicitudes.

Para os efectos da documentación requirida, admitirase a documentación cotexada polas administracións públicas, organismos autónomos, entidades públicas empresariais, universidades públicas e as axencias estatais, polas representacións diplomáticas ou oficinas consulares de España no estranxeiro e a lexitimada por notario/a.

A documentación presentarase en calquera dos idiomas oficiais da Comunidade Autónoma de Galicia. A documentación presentada en idioma distinto ao galego ou castelán deberá estar acompañada de tradución oficial.

Para calquera consulta ou información adicional as persoas interesadas poderán poñerse en contacto telefónico co/s seguinte/s número/s 981-54-60-38, en horario de 09:00 a 14:00.

3.3. Expirado o prazo de presentación de solicitudes o Tribunal de Selección publicará na páxina web da consellería do Mar (<http://mar.xunta.gal/gl>) e no taboleiro de anuncios da Secretaría Xeral Técnica, a resolución cunha lista provisional de persoas admitidas e excluídas para o posto ofertado.

SECRETARÍA XERAL TÉCNICA
Edificio Administrativo San Caetano, 5
15781 Santiago de Compostela
T. 981 544 038 – 881 995 339
sxt.mar@xunta.gal



Na lista constará, en todo caso, o número do documento de identidade, ou documento equivalente, e a condición acadada, de persoa admitida ou excluída. No caso das persoas excluídas farase constar o motivo da exclusión, tendo o prazo de cinco (5) días hábiles, contados a partir do día seguinte á publicación, para poder emendar, de ser o caso, o defecto que motivou a exclusión.

A estimación ou desestimación entenderase implícita na resolución pola que se aprobe a lista definitiva de persoas admitidas ou excluídas para o posto ofertado.

CUARTA. Tribunal de Selección.

4.1. Por resolución do 15 de xuño de 2021 a Secretaria Xeral Técnica nomeou aos membros do tribunal de selección (**Anexo III**). Respecto á válida constitución e adopción de acordos do Tribunal de Selección, como ao resto dos aspectos do proceso selectivo, estarase ao establecido nas instrucións relativas ao funcionamento e actuación dos órganos de selección do 11 de abril de 2007, modificadas polo acordo do Consello da Xunta de Galicia do 8 de abril de 2010.

O procedemento de actuación do tribunal axustarase en todo momento ao disposto na Lei 39/2015, do 1 de outubro, do Procedemento Administrativo Común das Administracións Públicas.

As persoas membro do tribunal deberán absterse de intervir notificándollos á secretaria xeral técnica, cando concorran neles as circunstancias previstas no artigo 23 da Lei 40/2015, do 1 de outubro, de Réxime Xurídico do Sector Público, ou se realizasen tarefas de preparación de persoas aspirantes a probas selectivas nos cinco anos anteriores á publicación desta convocatoria.

A presidencia solicitará ás persoas membro do tribunal declaración escrita expresa de non estar incursas nas circunstancias antes citadas segundo o previsto no artigo 24 da Lei 40/2015, do 1 de outubro, de Réxime Xurídico do Sector Público.

O Tribunal de Selección poderá incorporar persoal de asesoramento. Estas persoas deberán cumprir os requisitos esixidos para o membros do Tribunal de Selección.

4.2. Funcións do Tribunal de Selección:

- Avaliar a acreditación requirida e outorgarlles a cualificación ás persoas aspirantes segundo as normas desta convocatoria.
- Formalizar, mediante actas, todo o proceso selectivo e o resultado final, que será remitido ao órgano convocante.
- Resolver as dúbidas e incidencias que xurdan no proceso de selección.

SECRETARÍA XERAL TÉCNICA
Edificio Administrativo San Caetano, 5
15781 Santiago de Compostela
T. 981 544 038 – 881 995 339
sxt.mar@xunta.gal



- Propor á Secretaría Xeral Técnica, órgano convocante do presente proceso, as persoas candidatas que obtiveron maior puntuación a efectos do seu nomeamento polo órgano competente.
- Interpretar o contido destas bases.

As comunicacións e demais incidencias serán dirixidas ao Tribunal de Selección, á Secretaría Xeral Técnica da Consellería do Mar, Edificio Administrativo San Caetano, 5, 15781, Santiago de Compostela.

QUINTA. Cualificación e selección dos aspirantes.

5.1. Lista provisional coas puntuacións do proceso selectivo.

Unha vez cualificadas as persoas aspirantes conforme á base 1.2. da presente convocatoria, o Tribunal de Selección publicará na páxina web da consellería do Mar (<http://mar.xunta.gal/gl>) e no taboleiro de anuncios da Secretaría Xeral Técnica a **lista provisional** coas puntuacións do proceso selectivo para o posto ofertado, concedendo un prazo de reclamación de tres (3) días hábiles contados a partir do día seguinte ao da publicación.

5.2. Lista definitiva coas puntuacións do proceso selectivo.

Transcorrido o prazo de reclamacións, o Tribunal de Selección publicará, polos mesmos medios, a lista definitiva coas puntuacións respectivas para o posto ofertado.

5.3. Criterios de desempate.

En caso de empate, de conformidade co disposto no artigo 49 do Decreto Legislativo 2/2015, do 12 de febreiro, polo que se aproba o texto refundido das disposicións legais da Comunidade Autónoma en Materia de Igualdade, no suposto de infrarrepresentación do sexo feminino (entendendo por tal, cando exista unha diferenza porcentual de, polo menos vinte puntos entre o número de mulleres e o número de homes), o empate resolverase a favor da muller agás se considerando obxectivamente todas as circunstancias concorrentes nas persoas candidatas de ambos xéneros existisen motivos non discriminatorios para preferir ao home. E como segundo criterio de desempate, estarase á letra establecida pola resolución do ano en curso pola que se fai público o resultado do sorteo ao que se refire o Regulamento de selección de persoal da Administración da Comunidade Autónoma de Galicia.



5.4. Resolución da convocatoria.

O Tribunal de Selección proporá as persoas candidatas para os postos ofertados á Secretaría Xeral Técnica da Consellería do Mar, de xeito que a primeira na orde de prelación do proceso será adscrita ao primeiro dos postos (c.p. PEC040000315770080) e a segunda será adscrita ao segundo posto (c.p. PEC040000315770089). A Secretaría Xeral Técnica resolverá o proceso de selección mediante resolución motivada, que será publicada na páxina web da consellería do Mar (<http://mar.xunta.gal/gl>) e no taboleiro de anuncios da Secretaría Xeral Técnica. Esta resolución será notificada, para o seu coñecemento, á correspondente oficina de emprego.

As persoas seleccionadas deberán aceptar os postos adxudicados no prazo de tres (3) días hábiles contados desde o día seguinte ao da publicación da Resolución na páxina web da consellería do Mar; en caso de non producirse a aceptación expresa nese prazo, procederase ao chamamento da seguinte persoa candidata con maior puntuación para o posto.

5.5. Lista de suplentes.

As persoas candidatas que finalmente non fosen contratadas, nin tivesen renunciado expresa ou tacitamente á contratación, pasarán a formar parte dunha lista de suplentes para o posto ofertado que se fará pública coa lista definitiva de puntuacións, procedendo ao chamamento das persoas candidatas segundo a orde de prelación da mesma, de maior a menor puntuación.

A vixencia desta lista coincidirá coa duración do motivo que xustifica a cobertura temporal do posto obxecto da presente convocatoria.

5.6. Datos de carácter persoal.

Os datos de carácter persoal serán tratados segundo o disposto na Lei Orgánica 7/2021, do 26 de maio, de protección de datos persoais tratados para fins de prevención, detección, investigación e axuízamento de infraccións penais e de execución de sancións penais. As persoas candidatas que participen no proceso selectivo consenten expresamente a incorporación dos seus datos de carácter persoal nos ficheiros existentes na Secretaría Xeral Técnica e ao seu tratamento. O titular dos datos de carácter persoal poderá exercer os seus dereitos de acceso, rectificación, cancelación e oposición ao tratamento dos mesmos nos termos da devandita Lei Orgánica, solicitándoo ante a Secretaría Xeral Técnica, sita no edificio administrativo de San Caetano, 5, 15781 Santiago de Compostela (A Coruña).

SECRETARÍA XERAL TÉCNICA
Edificio Administrativo San Caetano, 5
15781 Santiago de Compostela
T. 981 544 038 – 881 995 339
sxt.mar@xunta.gal



SEXTA. Recursos.

Contra a presente resolución, que esgota a vía administrativa, poderase interpoñer recurso contencioso-administrativo ante o Xulgado do Contencioso-Administrativo de Santiago de Compostela, no prazo de dous (2) meses, contados desde o día seguinte ao da súa publicación, de conformidade co disposto na Lei 29/1998, do 13 de xullo, reguladora de xurisdición contencioso-administrativa.

Non obstante, as persoas interesadas poderá interpoñer recurso potestativo de reposición no prazo de un (1) mes perante o órgano que a ditou. Neste caso non se poderá interpoñer o recurso contencioso-administrativo antedito mentres non se dite resolución expresa ou presunta do recurso administrativo de reposición, ao abeiro dos artigos 123 e seguintes da Lei 39/2015, do 1 de outubro, do procedemento administrativo común das administracións públicas.

SÉTIMA. Disposición final.

A participación neste proceso selectivo por parte da persoa candidata supón a aceptación íntegra das presentes bases.

Asinado electronicamente en Santiago de Compostela
A secretaria xeral técnica
Silvia Cortiñas Fernández

SECRETARÍA XERAL TÉCNICA
Edificio Administrativo San Caetano, 5
15781 Santiago de Compostela
T. 981 544 038 – 881 995 339
sxt.mar@xunta.gal



ANEXO I – BAREMO DE MÉRITOS

1. Por cada mes de servizos prestados na Xunta de Galicia na mesma categoría á que se pretende acceder: 0,15 puntos/mes.
2. Por cada mes de servizos prestados noutras administracións públicas na mesma categoría e referidos aos últimos 5 anos: 0,10 puntos/mes.
3. Por cada mes de servizos prestados nas empresas privadas na mesma categoría e referidos aos últimos 5 anos: 0,05 puntos/mes.

A suma da puntuación das alíneas 1,2, e 3 non poderá exceder de 5 puntos.

4. Por cada curso directamente relacionado coas funcións propias do posto de traballo á que se opta organizado e impartido directamente pola Escola Galega de Administración Pública, Fegas, Academia Galega de Seguridade Pública, INAP, escola oficiais de formación das restantes comunidades autónomas, universidades, Servizo Publico de Emprego Estatal, Dirección Xeral de Formación e Colocación da Consellería de Emprego e Igualdade, cursos de formación continua do AFCAP.
 - Cursos de ata 25 horas: 0,1 puntos.
 - Cursos de máis de 25 horas e menos de 75 horas: 0,2 puntos.
 - Cursos de 75 horas ou máis: 0,3 puntos.
5. Polo coñecemento acreditado do idioma galego (só se valorará o grao superior alegado) e que sexa superior ao establecido como requisito de acceso.
 - En grao de iniciación/Celga 3: 0,50 puntos.
 - En grao de perfeccionamento/Celga 4: 0,75 puntos.
 - Outro grao superior ao anterior: 1 punto.

Só se concederá validez, polo que á acreditación do galego se refire, aos cursos ou titulacións homologados polo órgano competente en materia lingüística da Xunta de Galicia.

6. De producirse empate na puntuación, acudirase para dirimilo ao disposto na base 5.3 da presente convocatoria.



ANEXO II
SOLICITUDE DE PARTICIPACIÓN NA CONVOCATORIA PARA A CONTRATACIÓN CON CARÁCTER TEMPORAL DE PERSOAL LABORAL PARA A COBERTURA DE DOUS POSTOS DE OFICIAL DE SEGUNDA (GRUPO IV, CATEGORÍA 18) NA DIRECCIÓN XERAL DE DESENVOLVEMENTO PESQUEIRO DA CONSELLERÍA DO MAR.
(Datos da persoa solicitante cando é unha persoa física)

DATOS DA PERSOA SOLICITANTE					
NOME		PRIMEIRO APELIDO		SEGUNDO APELIDO	
TIPO		NOME DA VÍA		NUM	BLOQ
				ANDAR	PORTA
PARROQUIA			LUGAR		
CÓDIGO POSTAL		PROVINCIA		CONCELLO	
				LOCALIDADE	
TELÉFONO		TELÉFONO MÓBIL		CORREO ELECTRÓNICO	

A PERSOA SOLICITANTE OPTA Á COBERTURA TEMPORAL DOS SEGUINTE POSTOS (Ver base 1.1):

-
- 2 Postos de Oficial de segunda (grupo IV, categoría 18)

DOCUMENTACIÓN QUE ACHEGA:

- Copia do DNI
- Copia do título Celga 3 ou equivalente.
- Copia das titulacións requiridas:
 -
 -
 -
 -
- OUTRA (MÉRITOS):
 -
 -
 -

Fago constar que a presente documentación consta de ___ folios, numerados correlativamente do 1 ao ___ .

INFORMACIÓN BÁSICA SOBRE A PROTECCIÓN DE DATOS PERSOAIS:

Responsable do tratamento: Xunta de Galicia. Consellería do Mar.

Finalidades do tratamento: Tramitar este procedemento, verificar os datos e documentos que a persoa interesada achegue na súa solicitude para comprobar a exactitude destes, levar a cabo as actuacións administrativas que deriven e informar sobre o estado de tramitación. Así mesmo, os datos persoais inclúense na Carpeta cidadá de cada persoa interesada para facilitar o acceso á información, tanto persoal como de carácter administrativo.

Lexitimación para o tratamento: O cumprimento dunha tarefa en interese público ou o exercicio de poderes públicos segundo a normativa recollida no formulario e na páxina <https://www.xunta.gal/información-xeral-proteccion-datos>

Destinatarios dos datos: As Administracións públicas no exercicio das súas competencias.

Exercicio de dereitos: As persoas interesadas poderán solicitar o acceso, rectificación, oposición, limitación, portabilidade e supresión dos seus datos ou retirar, se é o caso, o consentimento outorgado a través da sede electrónica da Xunta de Galicia ou nos lugares e rexistros establecidos na normativa reguladora do procedemento administrativo común, segundo se recolle en <https://www.xunta.gal/exercicio-dereitos>

Contacto coa persoa delegada de protección de datos e máis información: <https://www.xunta.gal/informacion-xeral-proteccion-datos>

Lugar e data:

Sinatura

Asdo.:

SECRETARÍA XERAL TÉCNICA
 Edificio Administrativo San Caetano, 5
 15781 Santiago de Compostela
 T. 981 544 038 – 881 995 339
sxt.mar@xunta.gal



ANEXO III

RESOLUCIÓN DE NOMEAMENTO DO TRIBUNAL DE SELECCIÓN PREVISTO NA CONVOCATORIA PARA A CONTRATACIÓN CON CARÁCTER TEMPORAL DE PERSOAL LABORAL PARA A COBERTURA DE 2 POSTOS DE OFICIAL DE SEGUNDA (GRUPO IV, CATEGORÍA 018) NA DIRECCIÓN XERAL DE DESENVOLVEMENTO PESQUEIRO, DEPENDENTE DA CONSELLERÍA DO MAR

Por parte desta Secretaría Xeral Técnica iniciáronse os trámites para a cobertura de dous postos de Oficial de Segunda dependente da Consellería do Mar polo procedemento establecido no Decreto 37/2006, do 2 de marzo, polo que se regula o nomeamento de persoal interino para o desempeño con carácter transitorio de prazas reservadas a funcionarios e a contratación temporal de persoal laboral da Xunta de Galicia.

A Dirección Xeral da Función Pública, órgano competente para isto, non puido seleccionar o persoal axeitado por non existir lista correspondente á categoría solicitada; polo anterior, debido á urxente e inaprazable necesidade de cubrir o posto, corresponde aplicar o establecido no artigo 7.5.b.2 do V Convenio colectivo único para o persoal laboral da Xunta de Galicia iniciando un procedemento de selección para a cobertura dos postos que se relacionan no cadro seguinte por persoal laboral temporal:

Denominación	Código Posto	Destino	Motivo cobertura	Requisitos indispensables	Grupo e categoría segundo Convenio	Observacións
OFICIAL DE SEGUNDA	PEC040000315770080	Dirección Xeral de Desenvolvemento Pesqueiro Santiago de Compostela	Posto vacante	- Titulación profesional de mariñeiro pescador ou certificado de competencia de mariñeiro ou equivalente. - Certificado de especialidade mariña mercante: Formación Básica - Permiso de condución B.	Grupo IV Categoría 018 (Oficial de segunda)	Horario especial
OFICIAL DE SEGUNDA	PEC040000315770089	Dirección Xeral de Desenvolvemento Pesqueiro Santiago de Compostela	Posto vacante	- Titulación profesional de mariñeiro pescador ou certificado de competencia de mariñeiro ou equivalente. - Certificado de especialidade mariña mercante: Formación Básica - Permiso de condución B.	Grupo IV Categoría 018 (Oficial de segunda)	Horario especial
	Total efectivos	2				

Polo exposto, esta Secretaría Xeral Técnica, no uso das facultades conferidas polo artigo 17 da Lei 2/2015, do 29 de abril, do emprego público de Galicia, e o artigo 1.primeiro da Orde do 8 de setembro de 2017 de delegación de competencias na Secretaría Xeral Técnica da Consellería do Mar, nas



direccións xerais e xefaturas territoriais e na Presidencia do Consello de Administración do ente Público Portos de Galicia,

DISPÓN:

1.- A composición do **tribunal** para a selección do persoal laboral temporal necesario para a cobertura temporal dos postos indicados será a seguinte:

Presidencia: Alberto Otero Peña

Secretaría: Mónica Lamas Maroño

Vogais: Juan Fernández Otero

Patricia Méndez Pérez

Manuel Fernández Carbajales

2.- A composición do **tribunal suplente** do anterior será a seguinte:

Presidencia: Enrique Álvarez Romero

Secretaría: Paz Olleros González

Vogais: María José Cortés Jiménez

María Elsa Rey Uzal

María García Vaamonde

3.- As persoas membros do tribunal deberanse abster de formar parte del ou poderán ser recusadas cando concorran as circunstancias previstas no artigo 23 da Lei 40/2015, do 1 de outubro, de Réxime Xurídico do Sector Público.

Contra a presente resolución, que é definitiva en vía administrativa, poderase interpoñer recurso potestativo de reposición, perante a consellería do Mar, no prazo dun mes contado desde o día seguinte ao da súa notificación ou poderase impugnar directamente, no prazo de dous meses contados desde a mesma data, perante o xulgado do contencioso-administrativo competente, conforme ao disposto na Lei 29/1988, do 13 de xullo, de xurisdición contencioso-administrativa.

Asinado electronicamente en Santiago de Compostela

A secretaria xeral técnica

Silvia Cortiñas Fernández

SECRETARÍA XERAL TÉCNICA
Edificio Administrativo San Caetano, 5
15781 Santiago de Compostela
T. 981 544 038 – 881 995 339
sxt.mar@xunta.gal

